

UGOVORNE STRANE

1. **UNIVERZITET U SARAJEVU**, Obala Kulina bana 7/II, Sarajevo, kojeg zastupa rektor prof. dr. Rifat Škrijelj (dalje u tekstu: Naručilac), ID broj: 4200494560007
- i
2. **BH Telecom d.d. Sarajevo**, Franca Lehara 7, 71000 Sarajevo, kojeg zastupa generalni direktor Mirsad Zaimović, dipl.ecc (u daljnjem tekstu: Izvršilac),
ID: 4200211100005
Transakcijski račun br: 1610000030950092 kod Raiffeisen banke dd

zaključile su:

U G O V O R

o pružanju usluge-Iznajmljivanje neosvijetljenog optičkog vlakna (dark fiber) i povezivanja za potrebe interkonekcije (point to point veze) za potrebe Univerziteta u Sarajevu

I - PREDMET UGOVORA

Član 1.

- (1) Predmet ovog Ugovora je nabavka usluge-Iznajmljivanje neosvijetljenog optičkog vlakna (dark fiber) i povezivanja za potrebe interkonekcije (point to point veze) za potrebe Naručioaca, u skladu sa Zahtjevom za dostavljanje ponude Naručioaca broj: 0101-335-2/18 od 24. 01. 2018. godine (u daljem tekstu: Zahtjev Naručioaca) i prihvaćenom Ponudom Izvršioaca broj: 02.1.3.2-4.2-9268/18 od 29.01.2018. godine (u daljem tekstu: Ponuda Izvršioaca), koja je po tom osnovu sastavni dio ovog Ugovora.
- (2) Izvršilac se obavezuje da izvrši nabavku ugovorene usluge u skladu sa Ponudom Izvršioaca, Zahtjevom Naručioaca i pozitivnim propisima koji uređuju predmetnu oblast.

II – CIJENA

Član 2.

- (1) Ukupna cijena ugovorene usluge iznosi 3.602,00 KM (trihiljadešeststotinadvije KM i 00/100) bez PDV-a.
- (2) PDV iznosi: 612,34 KM (šesstotinadvanaest KM i 34/100).
- (3) Ukupna vrijednost ugovorene usluge sa PDV-om iznosi: 4.214,34 KM (četirihiljadedvijestotinečetnaest KM i 34/100).
- (4) Cijena u toku trajanja ovog Ugovora se ne može mijenjati.

III – FAKTURISANJE I NAČIN PLAĆANJA

Član 3.

- (1) Naručilac će plaćanje ugovorene usluge vršiti u roku od 30 (trideset) dana od dana dostavljanja fakture.
- (2) Izvršilac dostavlja fakturu mjesečno na adresu Naručioaca, Obala Kulina bana 7/II, 71000 Sarajevo (Pisarnica).
- (3) Ovjeru dostavljene fakture će izvršiti ovlašteno lice od strane Naručioaca, nakon što utvrdi da je ugovorena usluga izvršena u skladu sa ovim Ugovorom.
- (4) Plaćanje se vrši po dospijeću na transakcijski račun Izvršioaca.

IV - MJESTO VRŠENJA USLUGE

Član 5.

Mjesto vršenja usluge je:

- Rektorat Univerziteta u Sarajevu, Obala Kulina bana 7/II, 71000 Sarajevo,
- Univerzitetski tele-informatički centar – UTIC, Zmaja od Bosne 8, 71000 Sarajevo (objekat 33) u Kampusu Univerziteta u Sarajevu.

V – OBAVEZE NARUČIOCA

Član 6.

- (1) Naručilac se obavezuje da će plaćanje obaveza iz ovog Ugovora vršiti u skladu sa članom 3. ovog Ugovora.
- (2) Naručilac se obavezuje osigurati pristup i nesmetano odvijanje radova vezanih za održavanje optičkih telekomunikacijskih veza u svim prostorijama i lokacijama Naručioća.

VI – OBAVEZE IZVRŠIOCA

Član 7.

- (1) Izvršilac je odgovoran za punu fizičku operativnost fiber optičkih vlakana i sve eventualne popravke koje trebaju obezijediti punu operativnost fiber optičke infrastrukture između definisanih tačaka.
- (2) Izvršilac je dužan izvršiti sve dodatne zahtjeve na uspostavljenim interkonekcijama koje Naručilac zatraži tokom trajanja ovog Ugovora.
- (3) Izvršilac je zadužen za provođenje svih testova, a karakteristike moraju biti u skladu sa odgovarajućim ISO/IEC standardima.
- (4) Izvršilac je dužan da kopiju svih rezultata testova i karakteristika proslijedi Naručiocu i podorganizacionoj jedinici Univerziteti tele-informatički centar-UTIC.
- (5) Izvršilac je dužan omogućiti prijavu kvara telefonskim putem, putem fax-a ili slanjem e-maila svakim danom (uključujući vikende i praznike) od 0 do 24 sata. Po prijavi kvara Izvršilac se obavezuje imenovati kontakt osobu, te osigurati izvještavanje Naručioća o procesu otklanjanja kvara kontinuirano do otklona kvara.
- (6) Izvršilac je dužan osigurati odzivno vrijeme od 2 sata na lokacijama Naručioća tokom 24 sata, 7 dana u sedmici.

VII – TRAJANJE UGOVORA

Član 8.

Ovaj Ugovor se zaključuje na period od 1 (jedne) godine.

VIII – POSLOVNA TAJNA

Član 9.

Izvršilac se obavezuje da će u vremenu trajanja ovog Ugovora i po njegovom prestanku, kao poslovnu tajnu, čuvati sve tajne informacije i poslovne tajne Naručioća, kao i ostale podatke koji su Izvršiocu dostupni, a odnose se na Naručioća i njegovo poslovanje.

IX – VIŠA SILA

Član 10.

Ako slučaj više sile potpuno ili djelimično spriječi izvršenje ugovorenih obaveza, Izvršilac je dužan da obavijesti Naručioća u roku od 7 (sedam) dana od dana nastanka više sile.

X – RASKID UGOVORA

Član 11.

- (1) Svaka ugovorna strana ima pravo raskinuti ovaj Ugovor.
- (2) Naručilac ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora, kao i u slijedećim slučajevima:
 - ako kvalitet usluga ne odgovara ugovorenim,
 - ako Izvršilac ne otkloni nedostatke po primjedbama Naručioća,
 - ako Izvršilac iz bilo kojeg razloga, izuzev više sile, dođe u situaciju da ne može izvršiti ugovorene usluge.
- (3) Obavijest o jednostranom raskidu dostavlja se drugoj ugovornoj strani isključivo u pisanoj formi.
- (4) Obavijest mora sadržavati razlog raskida Ugovora.
- (5) Otkazni rok iznosi 30 (trideset) dana.
- (6) U slučaju raskida Ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

XI – RJEŠAVANJE SPOROVA

Član 12.

Sve eventualne sporove po ovom Ugovoru, ugovorne strane će rješavati sporazumno, u duhu dobrih poslovnih odnosa i uzajamnog povjerenja.

XII – ZAVRŠNE ODREDBE

Član 13.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, primjenjuju odredbe Zakona o obligacionim odnosima.

Član 14.

Sve izmjene i dopune ovog Ugovora mogu se vršiti samo uz postignutu saglasnost ugovornih strana. Bilo kakvi usmeni dogovori predstavnika ugovornih strana neće imati pravni značaj.

Član 15.

Ugovorne strane su saglasne da će sva korespondencija u vezi sa izvršenjem ugovora voditi neposredno ili putem svojih ovlaštenih predstavnika koje će imenovati ugovorne strane odmah po potpisivanju ovog Ugovora.

Član 16.

Ovaj Ugovor stupa na snagu i primjenjuje se od 17.01.2018. godine.

Član 17.

Ovaj Ugovor sastavljen je u 4 (četiri) jednaka primjerka, od kojih svaki ima dokaznu snagu originala. Svaka ugovorna strana zadržava po 2 (dva) primjerka.

Za BH Telecom:

Generalni direktor

Mirsad Zaimović, dipl.ecc

Izvršni direktor Izvršne direkcije za razvoj poslovanja

prof.dr. Duljko Hasić, dipl.ecc

U Sarajevu, dana 16.02.2018.

Broj: 025-346/18



NARUČILAC:

Rektor Univerziteta u Sarajevu

Prof. dr. Rifat Škrijelj

Sarajevo, 02. 02. 2018. g

Broj: 0101-335-4/18